

明
詩
紀
事

明詩紀事

貴陽陳田輯

宋鑑

孫承宗

十三首

承宗字稚繩高陽人萬厯甲辰第二人及第授修撰
進中允厯諭德洗馬庶子少詹事遷禮部侍郎拜兵
部尙書兼東閣大學士入直辦事自請督師以原官
加太子太保督山海關及薊遼天津登萊諸處軍務
屢加少傅太子太傅太子太師少師左柱國進中極
殿大學士求去加特進光祿大夫罷歸崇禎初以原
官兵部尙書守通州移鎮關門引疾歸 大兵攻高

陽城陷被執投環死福王時贈太師諡文忠乾隆中

賜諡忠定有高陽集

國史唯疑解經邦推經畧抵死不赴而孫承宗甯舍
綸閣之重假請行邊人意量相越至此其云目前可
代督師者實難其人臣請自往即此肝腸九廟神靈
鑒之矣時詞林共賦送樞輔行邊詩稱盛事一洗趙
文肅宿談
列朝詩集公鐵而劍眉鬚戟張聲如鼓鐘殷動牆
壁方嚴果毅如斷山開誠坦中譚笑風發望而知
其人爲偉人長德年三十餘爲舉子仗劍游塞下
其時窮阨寒訪問老將退卒通知邊事要害凡史官
亭禁近者皆嫖娼嫖娼者皆嫖娼嫖娼者皆嫖娼
兒官公獨不然講筵獻替務爲激切劉直以聲動人
主講罷有軍國大事大瑞傳語問難閣臣相顧失色
公拂衣奮袖矯尾厲角指盡其是非可否中人各有
所挾持無以奪也東事日亟舉朝請以東事累公送
用是大拜單車行邊破七里築城之議遂自請視師
天子御門臨送詔書鄭重以漢諸葛亮唐裴度爲比
出鎮之初關門三十里外圻堦不設經營四年間地
四百里徙幕踰七百里樓船鐵騎東巡至暨無問將

興師大舉禡牙有日矣逆閹竊柄畏公與晉陽之甲
垂成而告罷已已再起朝受詔而夕引道東便門之
役以十人騎橫穿萬壘抵危關收悍將手復還永四
城以安畿輔先帝深知公能辦事東事公亦謂然議
以恢復爲已任羣小居中用事禦其入城其足然後
噪而逐之上亦不能自主也高陽失守入城南老營
中凡十人藉地望關叩頭叱持環者趨我乃絕子營
孫其卹典弗肯力戰從死事間先帝震悼薛園觀猶
斬其卹典弗肯力戰從死事間先帝震悼薛園觀猶
日女正公生北方游學都下鍾陵蛟龍屈蟠江河
燕趙悲歌之節作爲文章仲紙鴈筆蛟龍屈蟠江河
競注奏疏書檄搖筆數千言灝灏演延幕下書記多
鴻生魁士莫得而窺其涯涘也爲詩不問聲病不事
粉澤卓犖沈鬱元氣鬱盤說者以爲高陽之詩信矣
靜志居詩話先生自任天下之重盡瘁師中司馬之
檄方馳樂羊之蔭已滿見危授命無媿全人集中三
十五忠詩蓋亦有感於瑤禍而作三十五忠者趙尙
書南星高總憲攀龍周侍郎炳謨楊副院璵馮副院
從吾何總督士晉左僉院光斗李御史應昇翼御史
之令周中丞起元穆宮諭昌期蘇考工繼歐張尙書
問達汪侍郎輝丁元穆宮諭昌期蘇考工繼歐張尙書
吳總督用先顧憲副大章王尙書紀魏給事大中鄒

總憲元標王侍郎之案周主郭順昌夏文選嘉遇周
御史宗建周尚少朝瑞黃御史尊素劉知府鐸萬郎
中爆吳御史裕中張都事汶趙宗伯秉忠公侍郎
孟參軍淑孔也東林之君子已得十八九焉先生之
言曰起三十五人於九京未必人人大有助烈而有
助烈者必此三十五人痛惜人才之至矣
田按孫公侍經筵進講嘉宗云這講官予甚省其說
是時大璫王安高時明在帝左右舊東宮伴讀也故
公進講時得畢陳其說洎魏忠賢得志而帝先後判
若兩人矣公之督師雖由眾臣推薦亦自福清主之
故得行其志福清去而公亦相繼罷歸矣福清公國
子師也先是福清底其門生王化貞東事覆逃化貞
公請並熊廷弼下詔獄此事不無附和為國家惜
此邊才公近體絕句摹仿唐人特有風調雨疏皆一
時碩畫坐言起行有此偉才旋用旋罷國欲不亡不
可得矣

謁楊太常椒山祠

楊公負奇穎舞象成奇調孝友自天植義烈為譚笑雨疏志
竟酬一泓血未耗代隔名逾尊祚薄神復耀我來採芳芷灑

泣一憑弔

雜詠

汾陽亦儼官而動合至理君寵恩自渥寵去恩未已部曲卽
散落國難忍不弭單騎豈忘身胸中早定矣其處觀軍容乃
成大君子相州九節度誰咎公無紀

入澱

渡口官河狹風波不肯前遠灘急倦鳥野宿傍漁船枕簟饒
秋意笙簫破暝煙停杯一以望孤棹月清圓

張太宰問達

三十五忠詩錄二

予登朝與太宰同官七品也又十年太宰躋大列子
猶七品太宰道廣而雅不早予每爲予言相州韓稚

圭以予相州人而乃翁曾官相州萬泰間憑幾諸大
政子頗參大議則當事從予而太宰契子特深予行
塞太宰尋罷去無何以瑤破其家而歿其門人黃閣
老爲言罷其通

太宰清通手登朝四十年弄丸一玩世夾袋幾掄賢家以殘
方破身從死更憐慙慙黃閣老一語報重泉

鄧中丞漢

中丞初備潞河兵予屬也擢薊撫相得驩甚然非知
兵也而精敏有幹局能以意繼岳中丞治悉意革虛
冒補職帥廢缺矯然有後勁之思人故習江右風節
每言南樂胸中黑以書來不辨遵薊也其接何太僕

實以氣意而遭貶削卒後來者遂從中要議

按薊論脩守能名戚繼光中丞來訓練我武頓維揚揮羽習
鵝鵝投鞭驅虎狼如君凋落盡誰復念封疆

王華亭明府過舟中

欹側葛巾曳薜蘿那堪車騎漫相過蟠空見鵷鷺雲鳥徹底
魚龍避玉珂馬踏橫塘芳草膩舟雜野渡落花多人憐茂宰
桂秋浦白袷紅顏映碧波

楊柳枝

古來折楊柳多緣離別時春風知客意先長最長枝

聞笛

高樓當月夜遠思聚重檐玉笛誰家弄翻來昔昔鹽

宮詞

珠簾不斷春風度又報聯聯翠輦過三十六宮渾見月知他
清影向誰多

悼鸚鵡

雪白梨花薜牆一聲初落曉風香別來故國三千里羞伴
烏衣語畫梁

小淩河

小山曲曲小淩河錦水成文總不波偶憶蓮花泊裏月一帆
風色伴漁蓑

朱大將軍罷鎮歸中前投函問我爲詩羨之二首

小隊曾遊白塔峪元戎初試黑崖寨道旁一諾千人廢八部

降王未敢過

朝恩一拜觀軍容胡騎千羣錦水東最是甯山餘勇在滿城
齊唱黑王公

孫傳庭

四首

傳庭字伯雅代州振武衛人萬歷己未進士除永城
知縣改商邱徵授吏部主事歷員外郎中擢順天府
丞以右僉都御史巡撫陝西擢兵部侍郎總督保定
山東河南軍務以忤楊嗣昌劾其託疾斥爲民下詔
獄就獄中起兵部侍郎總督陝西兼督河南四川軍
務進兵部尚書兼督山西湖廣貴州江南北軍務軍
敗沒於陣乾隆中賜諡忠靖有白谷集六卷

辛籤卷二

五

四庫總目傳庭有鑒勞錄已著錄史載崇禎十一年李自成自蜀還走陝西傳庭扼諸澄城分兵五道擊之降其驍將混天星等朝廷特以爲屏蔽十六年出師潼關降其僞將四天王李養純擒其果毅將軍謝君友自成懼謀降賊幾盡滅乃以中旨督戰值霖雨七日餉絕軍亂致敗遂沒於陣今證以集中澄城報捷諸奏疏一一相符惟史載崇禎十二年正月戊辰劉宇亮孫傳庭會師十萬於晉州不敢進考集中官軍苦戰疏內稱解圍救濟南之陷出口之役又率所統領將官兵戮力合戰事皆在正月戊辰之後又恭聽處分兼憑血忱疏內歷舉正月二十七日臣勉欲先發兵馳東安扼擊而督察不從二十九日臣勉發曹變蛟楊國柱等兵先往次早復約督察同往或臣獨往而督察又力阻云云督察乃劉宇亮也據此則兵集不敢進其責全在宇亮傳庭待爲所牽掣耳

田按孫公蒞秦身係明之安危乃一阨於武陵再阨於秦之士大夫秦既失矣明自此亡思陵號察主公至國門不得一見其情事無異閭主之所爲臨亂之君自賢其臣悲夫

園居

不是耽玄寂吾生合隱淪煙霞支病骨山水愛閒身
草閣全無暑花田別有春祇應成獨往魚鳥自相親

西溪舟泛

星漢仙槎杳扁舟樂意關自能專一壑何用訪三山
萬事無過酒浮名好是閒漁鷗堪作侶竟日每忘還

送友人還里

梁園十月共清嬉愛爾人如玉樹枝四海論心惟我輩
一時分手又天涯黃河水接龍門下大麓雲連雁塞垂
極目關山情共遠與君重醉定何期

秋興

西風一雁下河洲客思悠悠獨倚樓窮塞不堪逢九月
美人

何事隔三秋看萸把酒情何限對菊吟詩意未休欲向中原
舒望眼南雲北樹總關愁

高名衡

五首

名衡字平仲沂水人崇禎辛未進士除如皋知縣改
興化徵授御史巡按河南就擢右僉都御史巡撫其
地李自成三寇開封堅守不拔決河灌城泛舟出敘
勞加兵部侍郎以疾歸 大清兵破沂州死之乾隆
中 賜謚忠節有更生吟

題畫衣寄內五首

對月偏成憶臨風更有思鄉心無可寄聊寫最嬌枝
花枝嬌且妍置之在懷袖好記花枝新憐取衣裳舊

輕褳畫折枝悠悠感我思畫時腸已斷著時心自知
霧縠偏宜暑冰綃迥出塵著時憐百朵應憶畫眉人

客邸長安一世無畫長人靜影形孤閒將一段鵝溪絹寫作
名花百種圖

張貞渠邱耳夢錄余家舊藏畫衣一沂水高中丞筆也蓋寫折枝畫卉於白練上綴以青紗而成之者凡花卉二十五種作三十二叢衣之前後及左右袂題五七言斷句先侍御與先生同年相好過其邸舍衣適成將以遺張夫人侍御公一見欣然自持去先生亦無難色致先生夫婦伏節同日并命可謂與日月爭光矣而其平日風流自命柔翰闊情如此母亦靖節賦閒情故事耶

張銓一首

銓字字衡沁水人萬歷甲辰進士除保定推官擢浙
江道御史巡按遼東陣亡贈大理少卿加贈兵部尚

書謚忠烈有集

張林雜俎萬曆甲辰科兩張鎰一大名人官參政一
沁水人以御史殉難俱乙亥正月二十八日生科
第子女皆同亦一奇也參政前守兗州有登岱詩後
姜士望使君重沁水勒詩於石不知其誤

山居

懶散厭逢迎屏居謝塵鞅卜築緣脩澗軒窗豁虛敞眾山爭
向背閒雲互來往月印石潭清鳥鳴岩淙響迴颿松濤亂過
雨藥苗長貪奇事幽尋即景得孤賞境遠淡物情機息斷紛
想身世還寂寞終焉遂偃仰

傅梅二首

梅字元鼎邢臺人萬曆辛卯舉人除登封知縣擢刑
部主事以爭挺擊案罷官起台州知州解職家居大

兵下順德抗節死贈太常少卿乾隆中 賜諡忠節

有簡翁詩集

田按元鼎官登封時作嵩書前此盧元明嵩高記吳
筠嵩嶽靈跡皆署而不詳嵩書十三篇號為賊備建
存古書院凡二室殘碑斷礎但有文字可識悉出荆
榛瓦礫中嵌於堂壁可謂好事又移戒壇石幢於衙
齋之前移光旃贈詩云古壇欹側石無數慧日茫茫
起煙霧石幢壁立幾千秋苔碧土花空朝暮令君好
奇未可傳移來獨置小齋頭雕文篆刻重磨洗金界
靈光燭斗牛紀其事也

遇聖峯

仙人垂大耳石上採菖蒲漢主無仙骨重逢更有無

檀香峯

林是旃檀林外更無雜樹可怪卓錫人不在此峯住

鹿善繼 三首

善繼字伯順定興人萬歷癸丑進士授戶部主事以
事謫官起兵部軍前贊畫歷員外郎中告歸崇禎初
起尙寶卿進太常少卿再請歸 大清兵下定與死

之贈大理卿諡忠節有無欲齋詩鈔

孫承宗高陽集范陽鹿伯順以進士高第主計曹政
輒發金花餉遼神皇帝震怒索金花急伯順得謫歷
光熹兩朝起官遷司馬曹主職方政予兼樞務伯順
管章奏題發從子行邊于後當居東則伯順推銓司
矣伯順辭銓居樞京輟居邊僅敘遷副郎遭璫患
從予歸口不言功亦不及今皇帝起太常管光祿
事請告其居東拓地四百里無一不出伯順經畫而
光祿細大兼營無一不備夫伯順教今年秋旋里居江村遠
近及門之士無不服鹿夫子教以年秋命入城方走
陽令謁公爲守實無一餉之兵不敵之城不聯之眾
尺牘空拳調練而敵已薄城伯順禦之東而西偏有
心張空拳調練而敵已薄城伯順禦之東而西偏有
逾垣者敵遂登陣伯順樓白刃不避噫伯順死矣
世人和害之屬有窮通得喪有毀譽成虧至死生而

極子向固規伯順之一窮通齊得喪忘毀譽渾成虧
今乃親覩其不二死生乎悲夫
孫奇逢曰譜伯順先生生平有三變為諸生時有嗜
書之癖飯不呼之常不應初登第一介必嚴萬人必
往故到處能循職掌人人驚為破格事掄闕三年功
名之念已灰生死之關亦破每以朝聞夕死為談柄
故能從容就義而神不亂
李光地榕村集忠節鹿公詩如操筆直吐者而宛轉
曲至使讀之者若親見聞其義形之色憤慨之聲深
情遠慨足以敦澆振儒於無窮
田按天啟間魏忠節周忠介綬騎赴獄道出定興鹿
太公周旋營救無微不至義聲俠氣驚動一世暨忠
節以退老之紳守黑于彈丸之邑城亡與亡是父是
子江村一片地遂為節義之鄉輝矣哉

和人曰抵甯遠有作示同行幕僚

舊雨寒銷臘新正日屬人三年從患難一意為君親戍馬肥
邊草征袍積塞塵甘泉烽火息紫氣滿彤宸

謁楊忠愍祠

此地拜先生昂然氣不平
鬚眉常颯爽風雨益淒清
想見埋輪意猶聞請劍聲
丈夫存本色千古孰榮名

隨督師行邊和韻

錦繖琕弓小隊分
歷憑沙塞指黃雲
池南平野排魚麗
直北危峯過雁羣
髀肉暗從鞍上盡
雞聲誰共夜中聞
朝廷不吝通侯賞
幕府何人第一勲

南居益一首

居益字思受渭南人
萬厯辛丑進士授刑部主事
歷員外郎中出爲廣平知府
厯山西副使參政按察使
布政使入爲太僕卿以右副都御史巡撫福建
遷工部侍郎總督河道以忤魏忠賢削籍
崇禎初起戶部

侍郎總督倉場遷工部尙書以事削籍歸李自成陷

渭南不屈死

田按思受不爲賊屈加以炮烙絕食七日死大節炳然官福建時捐俸刊徐興公鼇峯集暨亦留心風雅者也

從花源川入靈臺望玄象山簡家太史

夙齡慕遐蹈栖志在名山豈謂塵內蹤聊復事遊盤伊余攜同好展眺綠清川花迷樵客路泉韻幽人絃雲端矚遙巖林表披晴煙蒼麕戲蘭薄玄鶴下芝田耳目極昭曠眞賞契冥筌升危戒顛躓撫已慙貞堅安得瑤華音一寄瓊臺仙

尹伸 四首

仲字子求宜賓人萬歷戊戌進士除承天推官遷南

兵部主事歷員外郎中出爲西安知府歷陝西副使
蘇松兵備參政投劾歸天啟中起貴州參政解職去
崇禎中起河南布政使罷歸福王時起太常卿未赴
張獻忠寇四川被執死之乾隆中 賜諡忠節有康

樂堂集

田按子求以邊才起貴州參政其得黔報寄示兩子
云仕宦通黔籍時止於放流頃者固戎馬反名才見
收衰年腹瘴鄉病軀親戈矛中子不樂聞况使老妻
憂其出野城途次漫興云舊著歸田賦今成不職歸
蓋子求分守威清道貴陽困解巡撫王三善將深入
子求頗贊之監軍西征三善敗沒子求突圍歸坐奪
官戴罪辦賊後頗有功猶貶一秩視事旋罷去所謂
今成不職歸也張獻忠陷敘州得子求重其名不殺
子求罵益厲遂攢殺之死事甚烈

病後田園雜詠

荒俗無筆畊仁義買寒機曠論薄田舍英雄亦我欺糞車卻
走馬堯舜在一犁附郭多膏腴甲族所必規百里就燒塢豈
徒峯壑奇智力所不到其塗乃坦夷農情自積習薄取給冬
炊百竈博一閒乘除敢自私人生活滿意難尙恐過其涯

出黔城途次漫興二首

舊著歸田賦今成不職歸貪趨王儉府愧息漢陰機用舍從
時論馳驅與願違生還差可喜風日駛驂騑

出郭三十里雲峯便不同村樓紅葉雨山磬碧溪風耕鋤甘
長賤琴書守固窮青山懸望眼沽酒問鄉筒

小覺

秋蟲唧唧夜初長斗帳猶疑燈燭光一豎苦爭閒日月百年

誰共好林塘松濤挾雨瓦聲冷瓶水儲花幽夢香此際關心
竟何事五經全未入巾箱

傅宗龍 一首

宗龍字仲綸昆明人萬厯庚戌進士除銅梁知縣改
巴縣徵授戶部主事遷御史監貴州軍加太僕少卿
以右僉都御史巡撫順天拜兵部侍郎總督薊遼保
定軍務以事奪官起四川巡撫召拜兵部尙書以事
繫獄起兵部侍郎兼右僉都御史總督陝西三邊軍
務兵敗死之贈兵部尙書加太子少保諡忠壯

宿邊城望軍營

獨上邊城憑曲欄戎旌獵獵背人看月華千里夜笳動星彩

一天秋帳寒只恐驚鳥棲不定其如旅雁度猶難愁來顧影頻搔首燈暗軍門漏漸殘

畢拱辰 三首

拱辰字星伯掖人萬歷丙辰進士除朝邑知縣改鹽城累遷淮徐兵備僉事改山西李自成寇山西城陷死之乾隆中 賜諡烈愍有珠船齋詩見溪存稿旅詠瓶餘系曜近草

濤音集王西樵曰僉憲博綜鴻秘不減曹倉鄴架萊乘一編文獻所資爲詩無恢詭驚豔之才而好摹青藤龍菴諸公不無邯鄲之恨然刈其榛蕪擷其若秀亦復矯矯不凡其句如千峯低雁影十里辨龍腥讀魏璫始末云紙上忠魂餘血淚人間羽黨尙鬚眉示丙云精薄祗堪添鶴料局寒仍欲泣牛衣贈友云六朝恨草貧相負八米新吟蹇自嗟又範成島佛金干笏夢到江花筆幾床皆有別趣

贈都昌吳尉

萬里服微官鳴琴一署寒口碑酬眾易手板向人難公事花
間出故園天際看翩翩雙鵝鳥幾日下金灘

遊武宮觀道經雙鳳山

雙鳳何年峙荒祠高下憑螭涎粘斷磬燐火續幽燈村吠
疑豹堂空虎是僧靈虛自注劉長生宮名方有待促繼不成登

贈李揮使造船瓜州

烽高海國已頻年舟楫何人問濟川北地雄風推李廣南人
長技數樓船曲江濤色千帆出浮玉鐘聲一水懸憶爾揚舲
東首日淮流三月碧於天

蔡道憲三首

道憲字元白晉江人崇禎丁丑進士除大理推官未
赴改長沙癸未八月秦賊張獻忠攻長沙城陷被執
磔死事聞贈太僕少卿諡忠烈有悔後集

靜志居詩話江門自序悔後集云悔後者何前日妄
作詩今日之作且輯之以俟後日之再悔也其虛懷
可見詩雖音節未諧而清婉越俗如移竹已抽三尺
荀種桃爭發一庭花又湘水清紫藤花落魚子生皆
不失爲佳句
田按公死時年僅二十九其平日捕盜安甯之方臨
難備禦戰守之策偉然碩畫不幸寇眾兵單城陷被
執多方說降罵賊不屈至寸磔以死何其烈也集中
詩諸癡出塵不得以尋常聲律繩之

偕元謨諸昆過東汝兄迎台閣晚挑燈小桃源分韻

南北相過莫厭頻秋衾夢繞白雲新何如小閣一尊酒迭作
名山兩主人醅醴只爲公瑾醉寒花應著阮郎春殷勤石上

栖燈火數尺溪亭環幾巡

送同寅周石拙之攸

爾我交情與古期
碁敲燈地夜深時
一天月好人方去
滿地秋清愁可知
無以別君惟有酒
若還憶我但看詩
官齋此夜仍須掩
癰鶴一雙卧北籬

留別諸葛士倫叔

欲別未應別
愛君愁語君
青山知送客
容易起秋雲

宋致二首

致字文玉一字九青
萊陽人天啟乙丑進士
除虞城知縣改杞縣
擢吏科給事中遷刑科都給事中
歷太常少卿大理卿擢工部侍郎
以廷推下獄除名家居

大清兵下萊陽死之乾隆中 賜諡忠節

梅村詩話九青少類與爲詩學少陵愛蒼渾而斥婉
麗然不無踳駁當其合處不減古人嘗與余同使楚
楚嘉魚熊魚山竟陵鄭澹石俱九青同年到武昌相
訪鄭詩亦清逸其贈什日剖斗折衡爲文章天下
東與萊陽謂我兩人也九青登黃鶴樓過小孤皆有
詩今失記惟憶其獄中言懷一聯云朋友誰與生
問朝廷今作是非看時上方切治苞苴而金吾微
乘之反行其姦利貪吏放手無罰而寸蹠尺縑輒
逮治九青之語蓋實錄也過南中有云草迷三國樹
水改六朝山九青曰天下之山未有不由水改者其
用意精刻如此

晚秋窮居

養瘡宜茲地多閒慮自輕菊耽十月色梧領一秋聲散病歡
移坐思家遇送行憂來只遠望無計出春明

悼舊

畫閣紅樓第一家會將玉珮向人誇祇今風雨清明後燕啄香泥葬落花

盧安世一首

安世字環水赤水衛人萬厯王子舉人除富順教諭
超擢僉事遷貴州參議厯四川副使進參政請告歸
起四川參議張獻忠寇四川被執不屈死福王時贈

布政使乾隆中 賜諡節愍

田按環水殉節史傳不載其監軍遵義也卽水西之
沙崖古樓鎮南底水中澤烏江茶山羊崖版角黎民
吳馬口等十三隘置兵守險總督朱燮元成功以環
水守隘之功爲多史亦不詳余當爲環水作列傳以
補史闕

奢夫人

都督持威太自輕翻令順德據聲名君看九驛著香路豈直
宜娘解用兵

朱萬年 一首

萬年字鶴南黎平人萬歷己酉舉人除定陶知縣改
中城兵馬司指揮遷戶部主事歷員外郎中出爲萊
州知府叛將孔有德圍萊詭乞降出城招撫被執不
屈死之贈太常少卿乾隆中 賜諡烈愍

田按朱公守萊以慈惠得民心崇禎四年援大凌河
遊擊孔有德李九成等叛於吳橋連陷郡邑公聞變
卽召同城官兵士民條約二十四事城中戰守具倉
卒悉辦嚴士民逃城之禁權豪貴人寓居一齊以法
無得擱出於是危城中人人有固志賊百計來攻隨
方抵禦六閱月城中食盡和麩粒以創捍圍者至噉
井泥公巡行撫摩士卒強起謹呼終無畔志時木兵
熊明遇主撫議文武大吏多和之賊知公得民心作

禮講撫者且曰必得朱公出要我為信公曰叛兵殘
郡邑殺命吏自知不赦必無降理同事者強以行公
歎曰知府食祿為王臣此身固不敢惜借巡撫謝瑄
出有德并執之粹攻城公給之曰徒執我無益速以
精銳從我呼守門者出降賊果以精騎五百擁至城
下公大呼曰我被賊欺誓必死彼精騎盡在此可發
礮急擊之無顧我城上人以公在不忍發公復頓足
大呼賊怒亂割刃公大罵不絕而死城上乃發礮足
精兵死過半後援兵至圍乃解萊人念公死甚烈且
先後有全城功以七月七日為公忌辰歌舞牲醴士
女拜祈者日萬計訖二百餘年弗衰

與友人論皮林事兼悼閔千戶

有序

永從縣皮林蠻當播逆發難時糾諸苗反佐逆攻陷
縣城焚五開衛播滅沅撫江公鐸會師命總兵陳公
璘等七道進討平之時萬厯辛丑三月也方皮賊初
起新化守禦所千戶閔公宗器字繩武者奉檄以屯

兵三百進討孤軍深入直搗賊巢殺傷過當賊悉眾圍之糧盡援絕力戰死賊四裂其尸三百人唯郝姓一人走免先是公整隊出門時所乘馬仰首長鳴反走不前者三公厲聲策之曰爾知此行兇耶丈夫得死疆場幸矣旣遇害馬縱橫蹏齧賊莫敢近破圍疾奔至家公妻薛見而號曰馬獨歸夫子死矣夜馬亦悲鳴不食死璘等尋奏功亦公先剉其銳故易爲力而公死事猶未上聞也

播酋數十世其地千餘里一朝萌逆節誅滅因之始蠹爾皮林蠻怒蛙居井底爾之所據險與眾復有幾持而與播較未及身一指助逆已無功而尙不自揣居然破城邑浪欲謀不

軌懸知一旅來定作刀下鬼銅關鐵爲砦一笑豈能恃獨傷
千戶公全軍沒於此鬼馬獨歸來悲鳴亦同死旌忠猶有待
誰聒當路耳

張秉文一首

秉文字含之桐城人萬厯庚戌進士授戶部主事歷
員外郎中出爲撫州知府厯福建參政廣東按察使
遷山東布政使大兵臨濟南城潰死之贈太常卿
乾隆中賜諡忠節有楚草閩草

茶洋夜泊

荒驛停孤棹遙村接暮煙湖寬全受月窗小半窺天
酒蠅無賴欺燈蛾可憐清光盈一水流恨此年年

楚煙二首

煙字非煙曹州人天啟乙丑進士官戶部主事告歸
大兵下曹州抗節死有紫芝堂集

寄友人

今日飛鳬客眞成采藥行山民供赤葛野客獻黃精從政兼
求道緯眞豈累名自茲方去穀官舍未嫌清

秋日雨後有賦呈成穉元

煙歛青林豁風含碧竹新遙知孟處士孤賞對秋旻

黎弘業一首

弘業字孟擴增城人天啟辛酉舉人官和州知州流
寇陷城死之贈太僕少卿

歷陽遺音黎公弘業守和州崇禎乙亥春賊破巢縣
郡戒嚴未幾賊退賦詩以勞郡士冬賊復至陷和州
公殉焉

賊退賦詩勞郡士

狂寇游氛漸釋騷患肝在在切同袍微臣守土真吾分多士
登陣亦太勞燭影暗搖山月淡劍光寒拂曉霜高纓韉此日
清宵永摘錦窗前醉彩毫

馬如蛟一首

如蛟字騰仲和州人天啟壬戌進士除山陰知縣徵
授御史以事落職尋復官家居未赴流賊陷和州戰
死贈太僕少卿有訥齋集

一百五日同周六建魯過鶴嶼分得清字

尋春赴林壑芒屨覺身輕問酒樂同志聞驚懷友生花飛新
樹密雨過亂流清聯袂穿桃陂人疑到赤城

周而濤 一首

而濤字還之掖人崇禎丁丑進士授兵科給事中督
畿輔諸郡城守 大清兵下河間死之贈太常少卿
乾隆中 賜諡節愍

計偕寄諸兄弟

珍重開封字離情紙上看春風吹馬首昨日到長安

馮一第 一首

一第字根公長沙人天啟丁丑舉人張獻忠陷長沙
被執不屈死之有代古詩一卷賁閣吟譜二卷

沅湘者舊集根公先生以詩文雄湖湘間崇禎癸未
張獻忠陷長沙先生走湘鄉將乞師他所賊下總檄
徵求甚急先生作書卻之又作自弔文避亂改姓文
以自悼賊機再下度先生終不至乃繫其母與兄招
之不得已就縛賊反復喻降不屈將斬之一老僧從
旁伏地哭請免賊乃斫其兩手置營中一夕死母兄
獲免先生清修介節廉頑立懦著述甚富尤精史學
以所論著形為歌詠作代古詩斷自虞初迄隋季得
入詩者四十九人謂李唐而下變詩為律稱近體無
古詩遂止不作嘗與竟陵交竟陵招先生讀書寒河
入詩社不赴古詩嚴冷幽峭不能盡脫鍾譚習氣

秋夜同陶仲調宿嶽麓

明月發深樹山氣窺清古
躡子松間影徘徊快所吐
秋天曠人思茲游結四五
以子客中心憩我廬邊塢
皎皎鐘聲內霜光如亭午
菊風生露香澹然吟絮縷
戀此終夜清憑樓俯江渚

盧象昇 一首

象昇字建斗宜興人天啟壬戌進士授戶部主事歷
員外出爲大名知府進參政副使按察使以右僉都
御史巡撫鄖陽提右副都御史改撫湖廣總理江北
河南山東湖廣四川軍務進兵部侍郎解巡撫任加
督山西陝西軍務改督宣大丁外艱乞奔喪不允候
代進兵部尙書 大清兵入牆子嶺賜尙方劍督天
下援兵尋奪尙書以侍郎視事爲楊嗣昌高起潛所
撓兵敗賈莊力戰死贈太子少師兵部尙書廕錦衣
千戶福王時追謚忠烈乾隆中 賜謚忠肅有集十

二卷

勝朝殉節諸臣錄象昇有勇略先後治兵十餘年身
經百數十戰親冒矢石未嘗挫衄爲揚嗣冒輩所尼
屢起屢躋崇禎十一年大兵臨蒿水橋象昇督戰
以孤軍無援礮盡矢竭徒手格鬪身被四矢三刀而死

失題

池邊雨細花落簾外風清日長呼童採藥蘿徑對客攤書石
床

呂維祺

五首

雜祺字介孺河南新安人萬曆癸丑進士除宛州推
官入爲吏部主事歷員外郎中告歸崇禎初起尙賓
卿改太常少卿進本寺卿提督四夷館擢南戶部侍
郎兼都察院右僉都御史總督糧儲進兵部尙書兵

潰奪職歸流賊陷洛陽被執不屈死贈太子太保諡
忠節追贈太傅乾隆中 賜諡忠敬有明德先生集

二十六卷

田按呂公以講學名廟雖大節炯然詩頗風華亦如
宋廣平之賦梅花也

米家園

爲園亦有米顛風想在城隅煙水中閣向西山收拾紫花從
內苑借將紅人常走馬邀詩客自說調鷗署海翁任許清吟
窮此趣難窮吾亦不能窮

米家童

閉門不惹九衢塵但向蕭齋問主人行處須教詩在握愁來
莫厭酒沾脣幽谿尋藥輪廩友隔嶺傳書勝雁臣除卻爐香

同茗椀居然無事一閒身

遊雙瓦官寺

逐日趨公至午殘多尋幽勝暫傳餐三山地老唐供奉雙寺
僧爭晉瓦官亂竹臺荒遊鳳趾寒楓洲冷放魚灘蕭疎意思
無人識自解囊琴對水彈

午睡

楊柳青春去否上林花事竟如何小窗睡起無人語那得
當年春夢婆

落花

舞罷香魂不可招滿庭紅雨意蕭蕭夕陽枝上堆濃綠猶是
新妝簇翠翹

謝珥 一首

珥字君寔監利人萬厯進士歷御史僉都御史
巡撫登萊叛將李九成等圍萊州山城撫賊爲所害
贈兵部侍郎乾隆中賜諡節愍有夢草堂集

許昌弔魏武

竊據雄圖勢凜然老奸末路亦堪憐才名父子無軒輊
君臣止後先橫槊氣消原上草分香花冷路旁煙黃昏車馬
牽愁處烏鵲還飛月滿天

李士標 二首

士標字霞舉嘉興人博士應徵子國子生除上林苑
署丞遷甯海州同崇禎十五年冷口兵入山左所遇

州縣望風而潰州城陷死之贈尙寶司丞有蒼雪齋集

勝朝殉節諸臣錄山東甯海州同李士標崇禎十五年州城被圍力疾守城死妻沈氏一門二十三人同殉

木瀆道中

宿雨飛花路煙光漏午曦江喧夜乍減春去客先知新水始
濡棹亂山層繞籬雲歸滿西澗沽酒繫船時

秋日偕卞潤父移棹虎邱

沿隄一舸逐秋風都載清尊二客同荷影乍移山店晚楓梢
初著水亭紅虎鰲北距通關路鶴市西來盡佛宮新月半江
人倚棹同聽歌吹白雲中

明詩紀事

貴陽陳 田輯

字鑑

范景文

五首

景文字夢章吳橋人萬曆癸丑進士除東昌推官擢
吏部主事歷員外郎中移疾歸崇禎初起太常少卿
以右僉都御史巡撫河南擢兵部添注侍郎以憂歸
起南右都御史就拜兵部尚書參贊機務以救黃道
周等觸帝怒削籍爲民起原官未上改刑部復改工
部兼東閣大學士入參機務京城陷投井死福王立
贈太傅諡文貞順治中 賜諡文忠有集十二卷

列朝詩集卷之三
顯曲每以江左風流自命一旦持大議抗大節屹然
與高陽詩話敢視之際秦聲變而至文天瑞楚調變
靜志居宣子越吟變而至王季重正音地矣吳橋
博綜舊章領袖羣雅其詩發揚而不厲新警而不佻
獨自成家不飲狂泉之水
田按公以救石齋云武陵起復夢章自南率九卿論劾
一疏可見牧齋云除名非其實也又集中有論熊文
竹垞云坐劾時相除名非其實也又集中有論熊文
燦撫賊未可輕信一疏云皇二銳意蕩平以撻伐之
柄屬於熊文燦兵二萬之兵二銳意蕩平以撻伐之
海內民力九邊兵二萬之兵二銳意蕩平以撻伐之
空之非令一撫兼彼行勢難偏廢而後撫求撫在
法目勦日撫權不聊而撫求勢難偏廢而後撫求撫在
彼而權在我權不聊而撫求勢難偏廢而後撫求撫在
可操縱自如權不聊而撫求勢難偏廢而後撫求撫在
一日此撫彼叛朝暮叛外撫中叛今楚賊張獻忠
人不散隊械不去身分食於地資貨於商據陸而復
問水市馬而復造舟此其逆萌巨測伺隙狂逞儻養
癰一潰破涸乘風加以江北旱蝗流亡載道飢寒之
徒易於響應嗷嗷豈有及乎論勦撫之局洞若觀火

明史本傳不載故詳錄之公論詩云余嘗笑文人多
矯枉有過指摘適滋往者代生數人相繼以起其議
如波如吳下之正用脩近代之醜王李後必非先沿
爲故事擬古造新入途非一尊吳右楚我法堅持彼
此紛囂莫辨誰是持論可謂平允故作詩不主張派
別秀穎清新秉鐵中原楚樞江左輕裘緩帶可想見
風流人豪公甲申殉難詩云孤臣空灑淚天步遂如
斯妖蝕三光暗心盟九廟知翠華迷草路淮水漲煙
漸放國千年恨忠魂遶玉墀蓋不知帝已殉國猶冀
蒙塵南巡也

石頭城

荒荒憑故壘傳是石頭城返照三山影江流六代聲露華臨
夜白天氣入秋清俯仰悲人代還看古月明

秋夜偶成

小立虛亭內遠香靜可聞伴惟邀冷月影欲殢涼雲傷晚憐

秋老含情坐夜分
深心何所寄
酌酒取微醺

客有詢近狀者書此以答

君問歸來事
閒時手一編
飢臨乞米帖
貧乏買山錢
鶴性如人傲
花枝近水妍
猶容吳客至
語帶五湖煙

和友人閒居之作

夜裏刪詩日看山
縱然忙殺也清閒
從教花落休閒徑
除却僧來即閉關
性好積書終是癖
身無小病怕成頑
幽棲未盡聲聞累
鶴舞翩翩鳥語蠻

戲贈同波上人

雲心已冷氣如虹
坐聽鳴泉說苦空
脫下袈裟調駿馬
教人錯認是支公

倪元璐二首

元璐字玉汝上虞人天啟壬戌進士改庶吉士授編
修進司業遷中允歷諭德庶子進祭酒落職閒住起
兵部侍郎超拜戶部尚書都城陷自縊死福王立贈
太保吏部尚書謚文正順治中 賜謚文貞有文集
十七卷奏疏十二卷詩集二卷

陳子龍忠裕集鴻寶先生以英明天挺之才宏遠多
識之學奏對則輟賈董掌制則追典謨闡經則並游
夏執簡則儼南孤應酬之文辨雕所至已絕攀躡無
溢美無虛譽與世之作殊矣
靜志居詩話尚書晚築室於紹興府城南隅瞻檻法
式皆手自繪畫巧匠見之束手既成始歎其精工時
方患目疾取程君房方于魯所製墨塗壁默坐其中
堂東飛閣三層扁曰衣雲兌闌則萬壑千巖皆在焉
下適石齋黃公至越施以錦帷張燈四照黃公不怡
謂國步多艱吾輩不宜宴樂尚書笑曰會與公訣爾

辛籤卷三

三

既北行遂列寇難開順治初尙存藝管擢舍弟千里
暇輒登焉今已鞠爲荒草矣
無聲詩史鴻寶詩文爲世所重行草書如番錦維奇
月一機軸間寫文石以水墨生暈蒼潤古雅頗具別
致文心之餘緒也
陶元藻越畫見閩鴻寶畫幅山皆峻峭兀冪林木則
蒼莽鬱蔥絳法喜用大小劈斧不屑描頭盡俗塵及
於人王香泉云吾生平頗愛天地書法脫盡俗塵及
置倪公行草之旁便如小巫見大巫無坐立處余謂
倪徐二家畫亦然蓋倪以雄深高渾見魄力徐以蕭
疏古淡見精神況倪有忠義之氣流露毫端去人自
遠
田按公始釋褐不輕造謁首輔福清嘗曰三年無片
刺及吾門者只一倪君也思陵登極誅鋤閹寺朝端
水火未盡廓清公戊辰三疏雪東林焚要典石齋謂
公每一疏出如撞朝鐘上震廊序裴裴嚮用一扼於
烏程再扼於井研偉抱碩畫訖不得展幸抱日與虞
淵同隕哀哉公詩頗近公安一派余擇其詞旨傳雅
者錄三首嘗鼎一臠可知其味矣

御河新柳色

天孫春懶散機絲挂向章
綢繡縷垂淺黛依微宜綴露柔枝
飄裊不勝鷗鷺人掌上千回舞
臨本宮中十樣眉清蹕欲來
須整態何如張緒少年時

丙寅春日湖上偶成

歸來萬喜脫蛟纏不是頑仙即醉仙
縱酒何曾虛西日節糧
剛不少寅年但愁蝴蝶夢難熟
真信鷓鴣行復旋畢竟湖中
風雨細菰莢吾老志和船

王家彥一首

家彥字開美莆田人天啟壬戌進士除開化知縣改
蘭溪擢刑科給事中屢遷戶科都給事中改吏科擢
大理丞進本寺少卿遷太僕卿拜戶部侍郎協理戎

政都城陷自縊死福王立贈太子太保兵部尙書諡

忠端順治中 賜諡忠毅有集五卷奏議五卷

蘭陵詩話公之死昭忠錄諸書皆云守德勝門城陷自投城下死惟甲申傳信錄云寇僞王公坐安定門歎曰我總督圍營今日城破萬死難贖且義不可污賊刃遂自縊於城樓未幾破發城樓覆後出其尸於瓦礫中其甥楊貞而殮之按蔣公德環誌公墓云初守阜城門久之移安定門張公肯堂請卹疏云三月初一日守安定門至十九日賊從別門入公望闕叩頭遂自縊死是傳信錄之言爲有據惟收公尸者爲義士鄭而泉名淫教諭開之父三山高北記其事甚悉非楊甥也

城頭秋感

漠漠寒雲起暮笳煙塵猶未退戎車壁門明月臨青海朔野
霜風捲白沙幕府夜闌登復切嚴城秋老菊無花可憐開塞
淒涼甚荒塚疊數萬家

吳麟徵一首

麟徵字聖生海鹽人天啟壬戌進士除建昌推官改
興化徵拜吏科給事中改刑科以憂去起吏科都給
事中進太常少卿都城陷自縊死福王立贈兵部侍

郎諡忠節順治中 賜諡忠肅有集

構李詩繫崇禎時言官章正宸莊熬獻以建言下獄
磊齋疏救庚辰大計與祁彪佳身任危疆不許又請整
時盜賊相繼民生凋瘵屢乞身任危疆不許又請整
飭江南為京師援應假南司馬以權為羣議所阻賊
既陷秦前後屯失守甯遠孤懸二百里外三面皆絕
咸守禦甚難督撫鎮臣請撤甯遠兵守關門廷議不
決磊齋獨言撤宜又為議數百言約六利共陳之諸
人不肯署名遂獨疏其事疏留中遂寢甲申三月十
五日磊齋奉命守西直門十七日賊至城下攻甚急
為衛柵撞城廂舍皆壞磊齋引門為柵門被三矢矢
貫木磊齋屹然不少卻卻是夜天微雨賊發大礮碎
案端坐自若十八日賊偽樹勤王旗叩門中自欲納

之器齋廟卒堆石塞門俄而兵部騎士持幟請出亦
拒之復以重賞購健兒縋城殺賊百餘人賊大至齋
齋至午門遇相魏藻德告曰事去矣願見天子德曰
上入宮誰為趣起姑還守所明日司馬門議之齋
望闕叩頭號泣而去十九日賊從德勝門入齋齋
步歸邸邸已為賊據因入道左三元祠欲自經家人
請待祝孝廉至一訣許之二十日祝洲至齋酌酒
慷慨與別曰昔吾登第夢一褐衣人咏文丞相零丁
洋詩曰此劉宗周也數實為之今老矣山河破碎不
死何為相對泣下因揭祠壁敗褚籍燈作書付家人
命張服以單衾殮遂縊而絕夫當寇黷中原潰陷相
望闕外所存止五六城其輕重緩急不待智者辨此
時果從齋議急撤重兵誠救時之良策而庸臣不
知緣疆場之憂救堂奧之急追賊勢壓京始言遠撤
措手不及而縊以亡矣悲夫

鵝鵬行

山林畏豺虎川澤畏鵝鵬鵝鵬大身嘴項有百石盡擊盡赴
春波杼水如轆轤鼓翅風雨驟所集無渟汙巨魚擲千尺力

絕僵泥塗小魚濡沫乾駢首安就屠羶腴飽餒吻狼藉沾諸
雛果腹坐磐石睥目思江湖方笑揭竿勞終覺網罟患瞥然
雙鴈玉儀佯意何殊喙微毛領單頗似有道糴飢虛緩行躅
鞠躬俯寒蕪翻遭鵜鴈噴碎噓聲氣羸鵜鴈亦有云其云多
矯誣一云丹穴王竹實供天廚再云隨陽使稻粱事踦蹠茲
爾瑣尾臣致身在荻蒲鱸鮓方發發鯽鮓正于于颺爾頭上
絲保爾一捻軀在梁幸可託殄物于天誅佞哉老鵝舌凜若
操戈受神鷲不吞鯉況乃受捫掄高蹕謝鑿鑿奮向青冥呼
始信百族中具有穿窬徒除惡務其本敢用諷司虞

馬世奇 五首

世奇字君常無錫人崇禎辛未進士選庶吉士授編

修歷諭德進庶子都城陷自經死福王立贈禮部侍郎謚文忠順治中賜謚文肅乾隆中改謚忠肅有

文集五卷詩集三卷

啟禎兩朝遺詩公詩春容穩麗居然唐人風格
靜志居詩話馬公清德奉使諸藩愧贈一無所受此
還朝夢中吟文信國詩從今到卻江南日化作鴈鵑
帶血歸蓋殉國之志已素定故先兆於夢云
梁溪詩鈔公及門中殉甲申乙酉之難者前後五十
餘人

送文正之歸晉絳

晉水吳山一短篷雙柑斗酒語匆匆
浮名久已干時忌莫更逢人說馬融

寄贈姚孟長吉士

廿載青雲捧日心夜分蓮燭對沈吟
治安策就還流涕不爲

君王賦上林

贈項仲展守雅州

分得銅魚萬里懸
黎風雅雨舊謠傳
借君五色媧皇石
爲補梁州小漏天

送劉吉侯侍御按貴州

山環羅甸峰皆拱
江引牂牁水正朝
但得尺書賢十部
漢家誰許夜郎驕

孟嘗君養士處

俠氣千年大海東
猶將鄒魯薄齊風
卽今飽食官廚者
幾似雞鳴狗盜雄

凌義渠 四首

義渠字駿甫烏程人天啟乙丑進士除行人遷禮科
給事中三遷兵科都給事中出爲福建參政歷湖廣
按察使山東布政使拜南光祿卿入爲大理卿都城
陷自經死福王時贈刑部尙書謚忠清順治中 賜
謚忠介有集六卷

四庫總目義渠服官以清操直節受知莊烈帝文集六
卷乃其友徐汧門人姜垓所校定中間不載奏疏一
門故平生建白如爲給事中時請原三河知縣劉夢
煒責償餉銀疏論亂民焚掠巨室疏論大臣藉制言
路疏論中樞不職疏論策江東叛亂及請陽撫陰剿
諸疏皆其風采之卓卓者今並不見其本集則編次
時亦不免有所脫遺然如兵餉議清慎勤論諸篇剛
毅自立之象凜然猶可概見其崇化論有云能爲逢
比者視碎石雖血仍無異於退食委蛇能爲中生伯
奇者視抱石雖經仍無異於問安視膳蓋生平立志
如此卒之見危受命克踐其言固與孔孟而行躋
跖者區以別矣

啟補兩朝遺詩公詩深觀幽潔如其人
靜志居詩話凌公詩義見者解頤嘗與閩文學元京
共排積香煙錄董上舍斯張稱其冷豔畢臚比之吳
均入東記及官禮垣封事四十餘上皆切中時弊溫
輔以吏才稱之轉外溫既謝政入為大理臨難之頃
從容就義惟悉取生平撰述焚之為可惜也公清介
特甚田廬一無所遺身後二十餘年猶未并梓江都
吳綺園次守吳興時夫人閔尚存園次肅拜堂下秋
深矣尚衣葛衣練裙退而歎息以鹽豉魚菽遺之且
卜地葬公於驢邨之北為文祭之

微雨

一雨飄何向因風不盡同
幽涼起暮色迷漫結秋空
冷鋪投鞍入荒山
覓路通隔溪煙縷縷愁望是湘中

河行即目

撼地殷天勢欲吞
蕭蕭竹笠繫何門
荒祠古像隨流塌
茅屋窮黎逐水奔
涼簷不堪裝更薄
縱橫怪爾盜猶存
風波咫尺

艱如許竟日沿洄只遶村

潛山旅舍

滿酌聊將濁酒沽行行轉復怯前途四圍草樹兼風猛一帶
茅茨照月孤飢鼠欲來燈已暗曉聲不止夢全無可知一夜
寒侵骨纔說經秋意蚤枯

重過茶池亭

驅車往復此山鄉列障參差亞短牆一掬冰棱添茗苦半凹
石路帶楓香誰同遺老銜碑冷好續前遊引夢長墨瀋重尋
俄八載暗中星火照人忙

周鳳翔一首

鳳翔字儀伯紹興山陰人崇禎戊辰進士改庶吉士

授編修歷南司業進諭德都城陷自經死福王立贈

禮部侍郎謚文節順治中賜謚文介有集

敢禪兩朝遺詩公詩清麗無館閣穢重之習
靜志居詩話甲申三月之變文介授命獨遲十九日
城陷語吳莊介云臣子義在必死然必一視大行殯
宮綯素痛哭方可無憾爾二十一日赴東華門茶棚
下舉哀復削劄至邸自經絕命詩云碧血九原依聖
主白頭二老哭忠魂時親猶具慶也於時大學士宜
城邱公瑜集議朝房俄而賊入亟走民家自縊為旁
人所持不死次日賊蹤跡得之挾入窩鋪求死不得
賊帥劉宗敏刑辱備加猶嫚罵不屈伺守者稍懈乃
就縊論者責其濡忍至受羣盜之侮不得與忠臣之
列文介東華之哭既不受賊帥之拘而萬舌一辭免
腐儒吹疵之論是天之所以成公大節而公之素行
交孚於鄉國故也不其難哉

欲遊惠山因雨不果

眇眇予懷繫青山思不禁溼雲籠野塔疏雨作溪陰花徑紫

門迴泉源石竇深夢中好識路清夜亦相尋

吳甘來一首

甘來字節之一字和受瑞州新昌人崇禎戊辰進士
授中書舍人擢刑科給事中改吏科兵科進戶科都
給事中都城陷自經死福王立贈太常卿謚忠節順

治中 賜謚莊介

西江詩話甲申逆閹犯闕和受義不屈具冠帶從容
自經死先一日賦絕命詞云君臣義命乾坤晚孤
干戈風雨秋

卽事

霽色開遙浦雲蹤寄水萍流深魚穩穴樹密鳥窺人橫笛吹
江閣開樽覓野鄰高原濃翠染隨意拾芳春

許直一首

直字若魯如皋人崇禎甲戌進士除義烏知縣改惠來擢吏部主事遷員外都城陷自經死福王立贈太僕卿諡忠節順治中 賜諡忠愍

楊廷撰一經堂詩話舊志載忠愍公墓在如皋縣南三里馬塘河高家橋東撰按忠愍死後并未歸葬故里今吏部文選司署有許公祠祠內函骨木匣尙存大學士程景伊郎中李調元碑文可證田按疏賊薄都城公約同官爲死守計貸金饗士亡何城陷人莫知帝所在有傳帝南遷者公急變服往甫出門見賊眾縱橫即返日事勢至此出將安之今上英明肯隱忍播越以貽國羞乎俄聞帝崩自誓曰國亂不匡君危不濟吾惟一死而已北向拜君南向拜父秉燭作絕命詩六章其卒章曰擲筆翻然辭世行老親幼子隔幽明丹心未雪生前恨青簡空留死後名烏戶自經死

贈辟疆有序

歲庚辰江南北蝗飛蔽天赤旱千里吾邑斗米千錢
僵尸載道辟疆盡廢百口之糧捐金破產躬自倡率
開賑日待哺者四千餘人而撫軍道鄰史公兵憲禎
臻黃公司李佐平湯公咸傾心倚重各有捐助下檄
邑令資辟疆以佐其乏余冬自都門返見之感且愧
力貸多金始終明夏爲期之議殘臘凌冰復偕予勸
賑四鄉辟疆之心力苦且竭矣余不嫻詩作五古紀
事代似瘠爲仁人致頌焉

皇天蔽視聽虐此無辜民旱魃吐赤燄螟螣飛紅塵平曠一
望枯溝瘠化青燐爲富鮮憫恤閉糴封高閹吾黨有義府旨
予志嶙峋傾糧周缺陷饕產繼宏仁哀鴻數千百飽煖生陽

登當事洵喬嶽倚君如其身絡發恣出入節慎見經綸鄰邑
望風至廣賚飭苦辛嚮止麥舟助圖繪鄭公倫余亦切同體
胡爲徒撫膺稱貸佐毫末杯水聊相因君復廣同善四郊履
層冰頓使窮鄉遠亦得起殘生鴻慈裕經術真誠貫鬼神短
言代口碑他年擬勒銘

中佳脣 一首

佳脣字孔嘉永年人崇禎辛未進士除儀封知縣改
杞縣擢吏部主事遷員外降南國子博士厯大理評
事遷太僕寺丞都城陷投井死福王時諡節愍順治
中 賜諡端愍有集六卷

四庫總目佳脣集爲其子涵光所編卷首有家傳稱其
於詩好稱李夢陽何景明今觀所作與何李頗不相

似大抵直抒胸臆如其為人但體格尙未成就且不免浸淫明末纖仄之習然凜然剛正之氣足使後人起敬不敢復以詩格繩之言以人重焉可沒也
靜志居詩話中公治最中州及考牧近畿聞寇逼居庸郡縣望風奔潰或勸母入都慷慨流涕曰固知京師不支如天子孤立何疾馳以入時三月十二日也
徧謁大臣畫戰守策皆不省城陷自投王恭厰井中其詩娟秀不囂不浮近劉半舫一派

咏古

花敷宮院不知秋曲曲清歌夜夜遊安得阿庭頭頸穩始知

天子果無愁

陳良謨 一首

良謨字士亮鄞人崇禎辛未進士除大理推官擢四

川道御史都城陷自縊死福王立贈太僕卿諡恭愍

順治中 賜諡恭愍有滇中集

全祖望而上昔舊集公爲人本訥當廣座辨論鋒起
獨默然然其居官循分盡職於世間所謂黨部門戶
流品之說漠然不曉也時流寇鳴張天子倚督相楊
嗣昌以平賊嗣昌初負時望大用後日以外謬自其
用熊文燦大壞國事不得已親出嗣昌楚人不欲流
寇塗炭鄉里縱之入蜀公以巡按甫至蜀猶以前此
人望謂嗣昌才可倚亦不知其將以蜀爲壑也初公
奉勅專任城守以衛蜀王已而有監軍之命行問功
罪無所不豫獨勦撫進止機宜聽之撫鎮又受督相
節制蜀撫邵捷春亦良吏願嗣昌不之喜欲誤其事
而陷之公時時調兵食以佐捷春賊遷延東去復自
巴巫入楚嗣昌始終思撫賊公謂捷春當仍調兵合
東北一鎮以堵賊又言川中問道最多宜防詭計又
極言賊之不可撫捷春詎嗣昌不能盡行公言而賊
果乘虛自巴巫渡開新公恐其薄成都晝夜講守禦
之法賊偵知有備不復至嗣昌委開新之罪於捷春
有詔逮問並奪公職令殺賊自贖公之受事也嘗奏
言督師寬心辦賊其功可就識者知公撲誠將爲嗣
昌所賣至是而驗及秦兵報瀘州之捷斬首千三百
餘級嗣昌夸爲大捷公覆按有瀘州殉難官民無首
一疏極言秦將之欺罔乃知嗣昌之誤國而賊已自
蜀入楚襄王被害嗣昌聞自裁天子爲之肝食命公

留蜀以任後事再踰年始代還以乞假省親歸公之歸也同里林大行藹菴迎質之曰聞公前此有獎武陵之疏然否公歎息曰良有之不知其方寸一至此也大行哭曰公從西臺山獨不知排黃石齧殺盧九台陷楊儼部引陳新甲熊文燦耶公謝曰是吾罪也蓋公之醞慮有如此者

田按恭潔事實史文不備余故詳錄謝山之論如此

陸涼道中

盡日崎嶇路前征又若何枯藤鞭瘦馬朽箠渡危波山暗堆雲樹途迷叢石坡披荆次荒野停午暫相過

汪偉一首

偉字叔度休甯人寄籍上元崇禎戊辰進士除慈谿知縣以治行卓絕徵授翰林檢討都城陷自縊死福王立贈詹事諡文烈順治中賜諡文毅

金陵詩徵孟進士章明顧錢塘咸建劉南昌曙皆公
癸未同考禮閣所得士同死節

桃花潭茗詩

高根撐石罅破壁產雲英活火瓶笙沸清香肺腑生

金鉉一首

鉉字伯玉留守前衛籍武進人崇禎戊辰進士除揚
州教授入爲國子博士遷工部主事改兵部都城陷
投御河死福王立謚忠節順治中 賜謚忠潔有集

靜志居詩話思陵之去闕黨無異拔山曾不數年命
張彝憲總理戶工二部錢糧出帑金別建公廨俾諸
司以屬吏之禮見金公再疏陳其不可謂以陛下迪
簡之臣而令其嚙折僂僕於刑餘之子不亦羞朝廷
而辱當世之士耶思陵卒不允也中官借驗火器劾
公落職公笑曰吾去官遠此輩如脫蟻蝨垢賦之衣
豈不愉快遂與諸弟講古文辭尤精研易理壬午七
月晦讀邵氏書題其後曰甲申之春定我進退進雖

退時外而弗內退若苦衷遠而弗滯外止三時遠不
卒歲優哉游哉庶畢吾世又語其弟曰吾平生寡所
好視弃官如揮涕唾今以巡城每過御河輒留連不
能去何也卒沈於是從彭咸之所居公志蓋已先定
矣

自悼

出門瘁我形我心實少息入門心勞勞誰云一室值妻子安
糲草忍厭高堂食春風迺栗烈毀我東籬棘

劉理順一首

理順字復禮一字湛六杞人崇禎甲戌第一人及第
授修撰遷中允京城陷自縊死福王立贈詹事諡文
正順治中賜諡文烈有集十二卷

啟禎兩朝遺詩考宋元以來狀元及第死事者於宋
得三人何鼎文天祥陳文龍於元得三人李繼泰不

華李齊而明有五人靖難之時則有黃侍中觀土木之禍則有曹文忠肅北京之變則有劉公而浙東有
余庶子焯江右有劉中允同升先後皆死國事此亦
利名人物之盛歟於前代者也
自靖錄山陰劉宗周謂京師甲申殉難者以時而言
倪元璐第一以事而言劉理順第一蓋以臣殉君妻
殉夫子殉父僕殉主也
出按劉公甲戌廷對策謂明之失策一壞於四路之
輟入而開鐵陷再壞於經撫之易局而遼藩危三壞
於戰守之爭執而廣甯棄洞若觀火思陵親拔第一
甲申殉節可以答思陵之知遇矣

次林可任韻

乘間訪素契虛室宵陰陰于世無著好惟賢不憚淫任眞雲
出岫適興鳥歸林一笑天機在悠然共此襟

明詩紀事

貴陽陳田輯

辛鑑

劉宗周 三首

宗周字啟東紹興山陰人萬厯辛丑進士授行人請
告歸天啟初起禮部主事擢光祿寺丞未赴進尙寶
少卿改太僕少卿移疾歸起右通政以忤魏忠賢削
籍崇禎初起順天府尹移疾歸廷推授工部侍郎以
劾溫體仁斥爲民起吏部侍郎未至擢左都御史再
以論事忤旨斥爲民福王立起故官疏論馬阮不聽
皆歸杭州陷絕食死唐王贈少師大學士兼吏部尙

書謚忠正乾隆中賜謚忠介有蕢山集三十四卷

四庫總目宗周立朝之日雖少所陳皆切中當時利弊
一阮於魏忠賢再阮於溫體仁終阮於馬士英而薈
桂之性介然不改卒以首陽一餓日月爭光在有明
末葉可稱皦皦完人非依草附木之流所可同日語

矣

自靖錄崇禎壬午廷臣會推吏部侍郎未當上意上
臨朝而歎謂大臣如劉宗周清正敢言廷臣莫及遣
文書官諭吏部用之起為吏部侍郎未至適左都御
史王道直病歸擢宗周以代掌都察院僅六十日而
禩職宗周歸至通州和友人韻志慨曰策蹇何所之
遭時亦云厄一步一回首四郊營壘迫大道直如矢
青天萬古關從此遂已而身後令入帶
西河詩話海鹽吳嘉齋太常未第時夢一隱者來謁
口誦文文山山河破碎風飄絮身世浮沈雨打萍之
句詢其名曰我劉宗周也時嘉齋尚未知公名心記
之及壬戌既第適劉公以儀曹郎知貢舉見之訝然
又二十年嘉齋與公皆先後赴召每相見京邸甚親
及癸未以都察院見放嘉齋始流涕使友道所慕於
公公亦訝然次年嘉齋由吏曹擢太常殉國慨然曰
吾不可負劉公公後作甲申勸哭記凡十人以嘉齋

爲首其詩有云何人死後骨先寒二十年前夢底酸
謂此也

田按劉公蕺山與黃公石齋以道德直節名海內仰
之如泰山北斗劉公以作魏閩創籍歸舉證人社於
塔山旁執經門下者常數百人黃公以劾周延儒溫
體仁削籍退而講學於浙之大滌山間之榕壇執經
者至千人卒之社屋國墟二公皆致命遂志明季道
德完人二公爲稱首焉

過張灣

張從壽甯得名
新有李尚書宅

張家渡口灣如織綠水朱門望不極夾岸枝枝楊柳垂春煙
猶帶五侯色畫船簫鼓日紛紛得意歸來休論貧回首張灣
何處是不堪新說李家邨

陽穀道中辭春二首

病客傷春歸便休滄浪一曲棹扁舟抽簪及早甯非計不趁
東風歎白頭

野水荒郊屢問津
浮雲孤寄一閒身
可憐陽穀城西柳
不是青青帝里春

黃道周 十八首

道周字幼立一字螭若漳州鎮海衛人天啟壬戌進士改庶吉士授編修遷中允以救錢龍錫降調復疏陳時政斥爲民用薦起故官進論德遷少詹事劾楊嗣昌等謫江西布政使司都事旋逮下獄永成辰陽尋復故官福王立召拜吏部侍郎進禮部尙書唐王時進少傅兼太子太師武英殿大學士改吏部尙書督師被執死於市贈太師文明伯謚忠烈改謚文忠乾隆中賜謚忠端道光五年從祀孔廟有漳浦集

五十卷

靜志居詩話詞臣無言責居无咎无譽之地需次待
遷而已迨石齋先生入翰苑與上虞同年倪文貞公
俱自任天下之重崇正去邪盡忠補過引裾折檻九
死不回先生詩所云親從霹靂推市過又得滂沱自
在春蓋實錄也及退而講學於杭則大滌洞天於閩
則蓬萊峽少長咸集遐邇具來監史主賓環瑟鐘磬
庶幾瀟洛之遺風焉先生璣象之學辭義深奧後生
或昧指歸詩才亦未免賸駭要其光燄不啻萬丈地
曲周路皓月過銅山弔先生詩云道德公自重文章
公自深若夫軍旅事似非公所在用違其才此百世
所婉惜者
蔡世遠二希堂集石齋詩歌不步漢魏唐宋而博與
勤深雕鏤古健風骨成一家矣
居易錄黃石齋先生蔡夫人名潤石字玉卿工書法
與先生逼似康熙庚辰春得其楷書律詩一卷楷法
稍雜分隸題云偶寄夏太守時山中間警崇禎丙子
秋八月蔡氏玉卿書於石養山中詩多崇禎中魔道
語蓋先生作也
陳壽祺左海文集石齋黃公德性似朱紫陽氣節似
文信國經術似劉子政經濟似李忠定文章似顏太

傳陸宣公詩則嶠奇獨造不施鞿勒所謂天人才

五石瓠黃石齋善畫人初不知也臨難前作水墨大

田按石齋先生通籍二十載歷俸未三年其疏救機

山回逆黨將翻之案刻武陵樞輔復蹈猜主之

仕籍再沈牢獄思陵既無英主之精鑑復蹈猜主之

寡恩牽連善類因繫獄累欲不覆亡得乎武陵既敗

先生聞之慨然曰毒瘡去元氣創矣弘光立以禮尙

徵先生與楊機部書曰吾輩頑石搗骨合藥無補於

天猶冀後人嗅此藥氣耳蓋逆知事之無濟麾戈回

日不得不出此途耳先生論詩不薄李王而時蹈竟

陵之習有明末派如文太青倪鴻寶皆墮落此趣豪

傑亦不免余抉擇集中合作英詞浩氣當引星辰而

王文成廟迎送神曲

折瑤枝兮擣瓊糜思君兮中阻飢播靈醴兮揚靈旗矯欲來

兮何期大江橫兮大嶺絕射朝曦兮馬當發招余弓兮雲中

遺余珮兮木末雖無德兮心所知曾昔來兮安足辭露所生
兮雨膏之菊有風兮蘭與吹追鄰車兮抗驪馬上天兮下土
時不同兮安得游登君堂兮不得語耿徘徊兮中夜

續招魂

禮魂第三

陰以風兮天晦晦將靈車兮不得屈波生兮江中路斷兮山
外靈約詞兮曷從再雲披披兮雨下來棘變變兮生車衣濡
足兮創飢予從靈兮方何期靈之來兮日蓋暮陰不開兮天
益下蟲號兮啾啾還嘈嘈兮不得語裂余衣兮江上棧渡深
兮涉淺望夫君兮不一反靈語兮切堂蕪草生兮難以蒿邇
微風兮聲不揚靈迴車兮迅前速峻臨淵兮不得度君思余

兮栗以飄余思君兮然疑作施者固兮往者輕冰高兮水薄
靈來重兮耿余思汰以哀兮吹參差魚鱗鱗兮鳥下舞蹇薛
蘿兮葺君所靈不安兮候焉離余亦將兮離居山嵒嵒兮泉
漃漃白石生兮闕余望靈從左兮開余右路差池兮曷同宿
衝風至兮百草衰蛟龍藏兮君焉依來長楸兮顧余馬靈襄
襄兮擊余鼓佩不同兮締則均思不一兮各及春桑庚飛兮
鳴鴟鳴冰泱泱兮水渙渙柏檝兮蘭舟與君期兮河中流靈
之來兮前颼颼余從彌兮乘文鸞荷生兮蕙穗不及衣兮猶
得佩靈中疑兮邇則阻日皓皓兮間微雨語雖曠兮猶所親
室雖曠兮猶匪野折芳草兮舉辛夷思繁兮草稀蔓子生兮
何萋萋援狄哀兮日昧昧霜未降兮露先戒陳琴瑟兮離以

歌靈不來兮傷如何

寤言二首

昆臺初息闕投策方嬉遊四方生翫心一旦叛數州絕轡始
再頓解冕爲兜鍪中身五十載甫有甯諸侯至治安可常至
道安可求刈菟逃爪牙玄珠如浮漚所重天明功未寒先庀
裘大君無吉凶日月靡所詘靜正持乾綱四海生春柔

崇邱多會薪涸川多會鱗君子秉虛沖四顧多瑋人重華爲
魚販七友皆嶙峋尙有州支公及於石蒲民貧窮無禮樂討
論何所陳日月自週天眼耳生其身救世非庸流厯艱苦不
親華貫十六賢聊爲鸞與麟負輶登長途胼胝知苦辛

賣躬二首

天地何高深日月相循環星宿陳其顛動靜恆無端舉翼不能翔而作醯蟻觀大命一以至不復能研鑽鬼神欲告之禽吸近若難傷哉草木頽不得留朱顏

好道不入微闕物不至細影響自相答杳然無所繫大易重存身春秋本大義詩人多微思委宛出至意草草一世間遂爲穉與稚江漢下明河忽已失所恃

寄別卧子兼懷鴻寶

紹興使君萬斛珠隨風飛灑千流蘇文章經濟各大雅出之我口甯爲諛雪門蘭亭坐親切鶴子下堂啄碧雪客棹不敢閒移遊猶請老翁看五洩天下水無匡廬奇雁蕩無聲差勝之五洩壯險不可及安能過於倪公詩倪公與余最相契一

字動有千峰勢每願使君明且清董賈蘇韓失位置我行當
過三閩江若耶溪情橫相縱迂回一千三百里不顧白壁黃
金雙使君偶來再夜坐剡舟如鞋載白墮不知身在晉井中
恍惚槎從銀漢渡倪公抱我如抱鷄五年兩過靈峰西一夕
折杖各分去無情潮到難爲嘖聽君微談動四壁倪公新詩
在小冊匡廬水瀑雁蕩漸五洩奇觀走辟易只今天下多風
塵明州山水清絕倫褰帷帶星亦閒暇蘭槳挂機搖青春老
翁西去洞庭水不著些涎弔屈子不死還來此中遊樓團竹
杖報知已

偶成

人情貴逸豫物外卽滄洲其奈人間世難從物外遊鶴歸松

于老雲澹琪花秋惟有畫梁燕呢喃春序留

入都知敵在灤永援師星散未集京營挑選不具諸帥
顧望無建斷後之策者再疏將上輟而稱詩

白馬烏桓道令支突騎來書生非不武債帥安能材乘障狄
山恥誓書張孟哀誰當千里骨愧殺築金臺

將發石城而楊機部適至

何嘗忘世事初不負君恩薇蕨青山路菰蒲白板門貧窮生
賢好放浪老難論彭蠡舊相送塞裳涕尙存

西廡西北數間爲二周諸公畢命之處

昭代多君子清流此再清豈關門戶事動使鬼神驚逆命扶
中葉同游璨九京傳看芝草蹟鐘鼎羽毛輕

夏五大滌山中觀雨

此間唯竹葉不復辨松聲人下琅玕榻天圍翡翠城茶鐺新
火改研閣輒雲平談詠無多事西鄰鐘磬鳴

張鯁淵中丞漳南凱還餞於鄴山

帝眷東南宵旰勞素書先此展龍韜一匡江左歸微管八翼
天門試夢陶戲下旌旗新變色帳前風雨舊投醪坐教赤子
還牛犢半部饒箱靖海廳

武陵歎用方孩未韻

綸閣軍容動絳墀出車天子自題詩殿中舞馬看推轂日下
交龍覆畫旗信有皇威收撻楚可無彤矢告平夷繡墩玉饌
尋常事不數逢楊將相時

焦山寺中土中二銅像

落草故自佳
潤世共荒穢
寄愁與埋憂
忽忽五百歲

山居

舊事華陽清
異天世間今
有冷神仙
空山木石私
名號盡在尊
盧太古前

送張紹和

中身不任九州長
垂老能爲十畝翁
欲向君家乞桃竹
小山亦有百株櫟

思在華山頂

蒼龍嶺下少人來
鐵鎖春深滑碧苔
欲上嶺頭吹玉笛
長安不見使人哀